

۲۱ جمادی الاخر سنه ۱۳۳۵

جمعه ایرتسی

۱۷ مارت سنه ۱۳۳۲

صاحب امتیاز و مدیر مسئول حسن کاظم

ملت عثمانیه — امت اسلامیہ ایچون مفید اولان آثاره
صحیفه لر منر آچیقدر درج ایدلمیان اوراق اعاده ایدلر

استانبولده باب عالی جوارنده ابوالسعود جاده سندرم
نجم استقبال مطبعه سندرم اداره خانه منر اصحاب
مراجعه هر ساعت آچیقدر

حزب اسلام صوفی

شمذیلک اون بش کونده برنشر اولنور

سر محرری : مصطفی فوزی

تاریخ تأسیسی ۱۳۲۷ سنه هجری

سنه ۴۰ اعتبارله ممالک شاهانه ایچون پشین
اوله رق ۴۰ الی ایلنی ۲۰ غروش و ممالک
اجنیه ایچون ۱۰ فرانقدر .

تلفون نومروسو : ۱۰۹۷

نسخه سی ۱ غروش

تصوفی ، دینی ، اخلاقی ادبی ، سیاسی جریده اسلامیة در

نومرو ۱۲۶

علویات اسلام

عالم اسلامیتده ریاضیات و تربیة بدنیه اسلام اسپورلری

(۳)

۵ - ریاضات و تربیة مخصوصة بدنیه : [طریق علیه رجال

و اصحاب و درویشان و سالکری طرفدن اوتدنبور و حالا اجرا قلده کان و نائل تجلیات سبحانیه پیران عظام حضراتنک برر تخففة جمیلہ و مقدسه لری و مادی و روحانی اسلام اسپورلرینک ال نافع و مکملی بولنان « ریاضات و تربیة بدنیه ذکریه و روحانیه » یعنی سماع و مقابله شریفه انواع مختلفه سی [۱] - « اعتکاف » و مولویلر و سائر طرق علیه سالکرنجه « چله چیقارمق » کبی ریاضات و تربیة روحیه - باخصوص صوک زمانلرده اوروپا لیری بالکلیه مفتون و تقلیداً استعماله مجبور ایلیان « الاترقه استحمام » یعنی اوقات معینه و مناسبه ده صیجاق حمامله دوام و طهارت - « مساجد » و یا « دلالک » دنیان و وجودی دلاک ایلده رک تقویه و نشوونما سنه خدمت ایلیان اشخاصه وجودی ، اعضای مقتضیه یی اوغدرمق - قابلیجه لر حیاتی - مجرد اکتساب قوت و ادمان ایچون اودون یارمق ، دیبکده آغز تیمور اللره قهوه و بغدادی و سائر دوکک...]

دقت و اهتمام ایله ممالک عثمانیه ده همان هر طرفنده اوقات و مواسم مخصوصه سننده و یا مساعدت وقت حاله کوره تطبیق و اجرا ایدیلورکن یک چوقلری مرور زمان ایله و هر نه دنسه چرکین و قبا کورینه رک مع التأسف ترک و اهامله اوغرا یوب منسی قالان ، زمانلرده انحق بر طاقلری فقط نادراً و یا بر صورت استثنایه ده تطبیق و اجرا ایدیله کن بالاده مذکور و انلره نمائل اسکی ریاضات و تربیة بدنیه حرکات و اوپو- نلرمزک یعنی اسکی اسپورلرمزک کیتدکجه رغبتدن دوشه رک متوالیاً تدبیری نقدر داعی تأسف و اضطراب ایسه صوک زمانلرک و باخصوص

[۱] مولویلر و سائر طرق علیه رجال و اصحابجه صور و اشکال و اوضاع مختلفه ده قائماً و قنوداً اجرا قلنان سماع و مقابله شریفه انواع مختلفه تنک تربیة فکریه و روحانیه و تجلیات سبحانیه نالیه اسر عظیم و مہینجه فوائد لاستحضاسی درکار بولندی کی ریاضات و تربیة بدنیه و جسمانیه ایچون ده فوق العاده منافعی و صفای واردور. ارباب سماع و مداوین ذکر و مقابله به باوجود معلوم و مصدق بولنان بومنافع عظیمه صوک زمانلرده ال بیوک آوروولی اسپورملرک ، اصحاب معرفتک انتظار دقت و حیرتی جلب ایلکده در . هیچ شهه یوقدرکه ابدست و نمازه اوقات معینه سنده قائماً ، قائماً ، دائراً ذکر و سماعه مداومته وجودلری چیکشن طرق علیه رجال و درویشان حقیقیه سنک عشق الله و محبت رسول الله جوش مفروشه کلدرک خارجده بشقه هیچ برشی ایله ایضاح و تفسیر ایدیله میجک اذواق و فیوضات فوق العاده معنویه و روحانیه استغراق ساحه سننده اجرا ایلدکاری فوق العاده نافع و مبتدل ریاضات و حرکات جسمانیه البته برکون کلحک حالا ببولده معلوماتلری یک سطحی و محدود بولنان و سائر علویات اسلامی ده بتون اقوام غریبه و افرنجیه عظمت و قدسیت و منافع فوق العاده سی حقیله اراده و تقوی ایلجه کدرد . (ایلروده بوباید تفصیلات ویرله جکدر).

اعلان مشروطیتدن سوکره صاحب اختصاص و وقوف بر طاقم منور حمایتکاران و وطنپرورانک جهد و همتلریله کرک اشبو اسکی ملی اسپورلرمزک احیاسی و کرک بالوجوه فوائد عظیمه و کلیه سی بیدار بولنان طرز جدیدده آوروپا کاری ، اسوج اصولی ادمان و تربیة بدنیه حرکاتنک یعنی آلافرانجه اسپورلرک مملکت مزه ادخال و اطفال و شبان وطن آره سنده انتشار و تعممی خصوصنده کورلمک باشلایان ، کیتدکجه یوکسلدیکی مشهور بولنان اجرا آت و ترقیات دخی اودرجه لرده داعی افتخار و شکراندر .

صوک زمانلرده ببولده کی مهم خطوه لرک آتلفه باشلامسنده ال اول الک بیوک خدمتلی کوریلن ذوات غیر تماذن نائل هدایت رحمانیه مرحوم و مغفور روبنصون یک و مکتب سلطانی جناسیق و تربیة بدنیه معلم شهیری فائق یک ایله سنین و فیره بتون موجودیتیلله علی الدوام ببولده سیمی و خدمتدن اوصافیمان تربیة بدنیه مقنن و معلم محترمی سلیم سری یک و امثالی کی بر طاقم ذوات حیات و فطانت سمات احتیاج حاضره کوره تربیة بدنیه ملیه امر مهمنده وطن و ملت مزه یک بیوک خدمتار ایتش و ایتمکده و عثمانی وطن و ملتک ال بیوک هب و خبر خواهی آلمان فلده ماره شالارندن و عثمانی مشیران عظامندن متوفی غولس پاشا حاضر تدریسک دلالتلیله آلمانیدن صورت مخصوصه ده جلب ایدیلرک اولاد و شبان وطنک تربیة بدنیه سی امر عظیم و مهمنه حریبه و معارف نظارت جلیله لرینک همتلریله تعین بیوریلن میرالای « فوت هوف » بکک هر کسجه کمال شکران ایله مشهور بولنان غیرت و فعلیتی ، طرف طرف تقیضات و اجرا آت فعالانه و غیرت مندانه سی بوباید آرزومان ایچنده یک بیوک ترقیات حصوله کلجک شک و شبهه بر اقامتده در . الحاصل بوعالی هم ذوات و رفقای محترمه سنک غیرتلیله صوک زمانلرده - فوائد عظیمه سی درکار بولنان - هر نوع آلافرانجه و اسوج اصولی ریاضات و تربیة بدنیه و ادمان تعلیملرینک بزده دخی حالا بر صورت مکملده تطبیق و اجرا لرینه باشلامش و بولنر وجه معروض اوزره وطن و ملت مزک امید استقبالی بولنان کتجلرمز ، مکاتب مختلفه مز شاگردانی ، مختلف اسپور قلوبلرمز اعضا و افرادی آره لرنده کتدکجه تعمیم و تکمیل ایدله گلتش بولنفلده نقدر افتخار ایدله آذرر .

شمیدی به دکن آوروپا و آمریکا و قطعات سائر ممالک و حکومتات متدینه سننده کرک اهالی و کرک عسا کر نزدنده بیوک رغبت و اعتبار بولان حرب حاضر عمومینک خیلوت عظیمه سیله برابر اول و آخر هر طرفده زمان و امکان بولند قجه تطبیق و اجرا لرینه مداومت ایدیله کن سالف العرض آلافرانجه ریاضات و تربیة بدنیه حرکات و اوپونلرینک یعنی آلافرانجه اسپورلرک دخی باشلوجه نوعلری شولردور .

انواع زمینستیکلر : یعنی کرک آلت و وسائط استعمال ایدلمکسزین و کرک ثابت تیمور (بارفیس) ، موازیر ، تحت بارکیر ، پورتیک

[۲] کبی آلات و وسائطه مراجعتله اجرا قلنان هر نوع حرکات و تعلیمات بدنیه - « باسطه » دنیلان چکمه که مخصوص آز جوق قوتده و انواع مختلفه لاسدیکلی ادمان شیریدلری ایله اجرا قلنان قوه جاره یعنی بوشیریدلری وجوده اوضاع مختلفه ویره رک جرایمک حرکات و تعلیملری - ایکی باشی کرده وی ویا لوحه وی تیمور کتله لری حیوی بولنق اوزره صورت مخصوصه ده اعمال ایدیلن صغیر و کبیر ، طویل و قصیر ، ملو و حنف جفته کله ویا لوحه لی تیمور جیوقلردن عبارت بولنوب « هالتر » تسمیه ایدیلن آلات انواعی یعنی ملو هالتر ، یابل هالتر ، جانباز هالتر ، پلاقلی هالتر و الحاصل خفیف و وسطی و آغز ثقلنده هالتر ایله حرکات مختلفه بدنیه بایمق تعلیملری - « بوقس » دنیلان مشته نلک یعنی یومروق اوروشمه حرکاتی و تغییر آخرله یومروق مبارزه لری [انگلیز نزدنده کتله مستملدر] - « ژو دو بار » دنیلان جیوقلر اویونلری - « ژو دو بول » دنیلان طوب اویونلری - « ژو ده ژیل » دنیلان چلیک اویونلری - « فوت بول » دنیلان و آیاقله اویونان لاسدیک آیاق طوبی اویونلری - تحته طوب اویونلری - « قریکت » ، « تنیس » ، « هوکی » ، « قروکت » ، « غولف » ، اوج دنیلان یونلر - « ناشانچلیق » ، « آوجلیق » ، « فروسیت » ، « ولتیز » ، « قلیج (اسقریم) » و سباححت حرکات و تعلیملری - « مراکب بحریه » صغیره یعنی قایق و صندال و یک انواعه یاییلان ادمان و مسابقه لری - « سیتی » دنیلان قارچاریقلری و قوندره لری ایله یاییلان اویون و تعلیمات و مانورده لری - استحمام ، دوش ، ماساژ ، کوزی باغلی چوالده یوریک ، سورینه رک کتمک ، طاغله بایرله طرماعق افعال و حرکاتی - ایزجی و کشف تعلیملری و حرکات و مانورده لری - « قوت تجربیه لری - آنلامق حرکاتلری - یاا و آت یاریش لری و « رده » دنیلان آقینلر - بیسیقت و موتوسیقت و امثالی و اوتوموبیل ، طیاره ، دکنز طیارسی ، دومنلی دومنیز بالونلر ایله یازیش و مسابقه لری .

احمد مختار

مقالات

بر غزل صوفیانه نلک ایضاحی

غلطه مولوی خجانه سی شیخی رشادتلو احمد اقتدی حضرتلرینک ۱۲۴ نومرو لو جریده صوفیه غایت عارفانه بر غزلانه سنوخت محیملری اولورق بعض ایضاحاتی مناسب کوردم .

اس الیاس اولان وحدت والو هیت حقننده خامه ران اولاق دکنز لری بز کوچک بارداغه صیفدیرمق کبی بیوک بر جرشکارلق ظن

[۲] « یورنیک » دیو اساساً ایکی عمودی و براتی دیرکدن مرکب اولوب حلقه لری ، ترازلر ، دوکوملی دوکومسز ایملر ، صریقلر ، نردبالر و سائر مثلاً و غیره استیق لوازم و ادواتی احتوا ایدن هیئت دینور .

ایدیه چکسه ده مسلکمزده عارفه اشارت کافی ؛ دستوری بو محیملرینه جسارت ویردی . هوالمین .

دهره کلیدکن نه صورت نه هیولادر غرض صورت نمکننده واجیدن تجلادر غرض بو بیت ، متکلمین اسلامیة نلک افعال الله ، معلله بالا غراض میدر دکندر مسئله مهمه سه متعلقدر . هر حالده حکم و مصالح افعال الله ده موجود اولوب غرضک افهام ایتدیکی معنا که فعلدن مقصد ، اوغایه بی استحصال دیمک اولان متکلمین اصطلاحی افعال الله ده یوقدر . چونکه تعالی و تقدس بوکی عللدن مصوندر .

بوراده صوفیون اصطلاحجه غرض ؛ صورت نمکننده واجیدن تجلادر که ذات حق کندنی مرابای نمکننده عرض تحلی و ظهوریدر . حسن مطلق اولان ذات حقک جمیع کائناتده شویله بر کوریشنی در که بو ؛ لفظ غرض و مقصد ایله ده افاده ایدیه بیلور . صورت ممکن اولیه رقی ده کندنی کوستره بیلمه سی امکانی لفظ غرضک معنای اصطلاحیسی مقصود ارملدنی ارانه ایدر .

بو بیت ، فلاسفه و بعض ناقصلری ارشاددر . قالدیکه بوراده دهردن مقصد ؛ ذات حقک مرتبه افعالی و صفاتی و عصریده وقوع اولان تجلیاتیدر « لاتسبوا الدهر » حدیث شریفی ده بونی مؤیددر . ظاهرک ، برابطی هر صورتک معنای وار صورت الفاظدن بی شبهه معنادر غرض بیتی هر شیدک بر کوریشنی برده ماهیتی اولوب هر شیده ظاهرک باطنه الفاظک معنایه مطابقتی لازمدر .

بوراده کی الفاظدن مقصد ؛ بتون عوالم ذرات و اجرام علویه و سکانی دیمکدر . شوخالده باطنی حق ، معنای الوهیت اولان اشیا علی الخصوص انسان ، تحلقوا باخلاق الله . مقتضای عدل و حقانیت دائره سنده حرکت ایله صورت انسانک افاده ایتدیکی کالات ، اعتقادنده ده حکمقرما اولاق لازمدر که هم لفظی هم معنای انسان اولسون ؛ یوقسه مسیله الکذابده صورت انسانده کوریش ایدی . حضرت شیخ بو بیتی ایله اجتماعات مدنییه اخلاق حسته اساس اولاق لازم کلدیکنی افاده بیوربورلر

کوی یاری جنت و حوره دکنش عارفان آدم نه نابه نه جوا نه حورادر غرض بیتی حق تعالی بی بو طرزده معرفته قابیلی اولانلر هر افعالنده اصلنه اقتدا و « ایامه اقتدی عدی فی الکرم » مقتضای کنیدیسیله داخل اولدنی حالده قوانین الهیه توفیق حرکت ایدرده اخیر خاص کبی آرزوی حسان خوف نیران اولماز . بوکی کیسه لردن مدنیت و انسانیت جدا مستفید اوله جی جهته تنظیم قوانین ایدنلر بوکی ذوات اولورسه کره ارض سکانی بر روی سلامت کورمه سی مأمولدر . حضرت شیخ بو بیتی ایله ریاکار قلاشلردن صورتی انسان نسناسلردن تحذیر بیوربورلر .

کورلزمیکه آوروپاده فانوس عقل ایله مرقات مدنیته صعود ایتیمکه